

兩
浙
輶
軒
錄

兩浙輶軒錄卷十六目

朱一蜚 邵坡 沈翼機 余懋杞 邵家默

許鎮 邵向榮 徐雲瑞 陳溥 張一驥

嚴烺 王鴻宇 錢是式 沈變 錢起隆

汪振甲 于東景 孫友白 沈霖 張錫璜

趙用鼎 薛英 石杰 金以成 董浩

周祿彩 范卜年 李暉 章琦 章鐘

張文瑞 何西堰 沈堡 宋之澐 葉魯

張昱 張玘 朱權 張世傑 高衡

丁嗣澂 金梅 蔡賜國 毛德琦 陸鑒

陸鑒 張錫璵 葛其英 朱華 余清

余正葵 徐祖望 施克建 王本 杜應譽

兩浙輶軒錄

卷十六

目

吳山 王衮錫 成達可 余懋檣 何嗣錢

盧元璧 包懋捷 陳世揚 樓承順 張德固

周應枚 李四維 趙殿最 胡渭 章藻功

沈楷世 沈柱臣 邵基 鄭鼐 華萃德

朱休聞 柴梓庭 陳天錫 江濟 徐文駒

壽致潤 毛遠宗 周奕 章廷宏 陳景

柴謙 柴載庸 楊琯 金埴 鄭韻

詹泰 詹華 詹衡 湯學顯 姚之駟

兩湖輶軒錄卷十六

督學使者阮元訂

朱一蜚

字健冲號浣桐嘉善人由諸生保舉官至山西布政使著浣桐詩鈔

錢仁榮曰一蜚少時留心康濟凡活人平獄諸書無不一考究年未三十以薦爲縣令不十年而至方伯詩不專門名家歸愚先生稱其古詩規撫韓蘇近體不落大歷十子後不誣也

周忠介公會孫承濂出其大父芸齋先生刺血疏稿卒

讀敬題

洞涇橋下流水哭吏部蒼涼老瓦屋正氣當年擊大奸歸騎箕尾天上宿孝子徒步排九閭奇冤已雪仇難復一紙書存赤血痕乃孫涕淚出之櫬回頭時代閱滄桑忠孝遺文忍卒讀鵲舌宵啼猿夜號垂虹亭子草蕭蕭扁舟艤此一憑弔漁火江楓正落潮

聞張若容調蒲城尹寄懷

漢濱游歷路艱難聞道鳬飛過七盤
今夜青燈應入夢故人白髮尙卑官
雲迷太華三峯隱河遶重關九曲寒
兩地雁鴻南去盡懷人獨對月闌干

邵

坡

字兼山號良庵餘姚人康熙壬午舉人著良庵集

敬召

越風先生與先大夫同年遂於經學康熙六十年入京將以館職

錄用既而不果

姚江詩存良庵崔書赴隴時家有老母魯啟人送行詩云浩歸未遂長林志遠去難爲寸草心及抵都聞母病馳歸啟人詩若爲之讖

送王耘渠入蜀

勲名何必勒燕然小試牽絲赴兩川
秦樹碧分鴻爪外蜀山青到馬蹄前
于今炎徼銷烽火此去花溪奏誦弦
猶有平津舊賓客臨岐悵望隔雲烟

沈翼機

字西園號澹初海寧人康熙丙戌進士官侍讀學士著澹初詩集

祇林庵散步

人多穿洞出窄路礙枯藤怪石如迎客馴猿不避僧疎林飛瀑落絕壑亂雲蒸素有登臨興梯霞上百層

余懋杞

字建偉號玉京又號瞿庵諸暨人康熙戊子順天舉人官內閣中書著東武山房集

紹興府志懋杞性孝父善病屏息侍立夜分不退嘗與同郡名流結詩集于鑑湖之曲春秋佳日觴詠其中著有藕香艸堂石吟核舟等集合刻之

春日郊行

春到芳郊客意迷新蒲細艸共萋萋波聲遠出平章墅樹影斜連太尉谿祇有詩囊裁錦段更無歌板按銅鞮前村正散鷄豚社桑柘陰中日易西

田家

正是田家布穀時鶯聲忽破綠楊枝野人不解春愁曲桑柘

風微喚賣絲

邵家默

字恭思號怡堂永嘉人康熙辛卯舉人官嘉善教諭

薊中送李青岩之任關中

綰綬翩然出鳳城相逢日下送行旌同時作客難言別邊地
爲官易有聲騎馬路隨華嶽轉彈琴韻入渭流清酒泉到處
如相憶寄我蘭州雙玉罍

寄酬蔡雪齋同學

貽我清詩筆有神畫奇書妙並堪珍雲山常恨違鄉井旅況
何因語故人解舍簪包肥過肉荒園菜把滑于蓴一盞冷落
殊相稱絕勝萊蕪滿飯廬

許

鎮

字天倚號東澗德清人康熙壬辰進士由編修出知南昌府

送姚艮南之柳州郡守任

敬歷聲華

紫禁班旌麾嫋嫋到烏蠻風清銅鼓烟嵐迴月映羅池雨露
殷驛路早蟬鳴遠樹河橋垂柳拂重關熊轡多暇能相念尺
素頻煩慰別顏

邵向榮

字邵樞又字東葵號冬餘餘姚人康熙壬辰進士官鎮海教諭著冬餘詩略

姚江詩存東葵詩初學劍南近則變而彌上風格老蒼
嘗言何王金許學道之階級也鄭王孔賈說經之原本
也陶杜韋柳作詩之圭臬也歐曾姚虞行文
之標準也晚而掌教海濱遠近多所興起

萬授一招往崇效寺看梨花

日歸日歸空自擾燕郊春盡無芳草寓廬匝月掩闌臥君來
強我閒裏抱晚涼竝馬城西斜寺內半掩瓜田沙風旛不動
鈴鴿靜東樹新作纖纖花靚態柔苞看不足小雨縈絲映清
淑更無殘片鳥銜飛特許芳姿伴幽獨拍浮花下興莫闌振

襟欲去猶憑欄待賞一歲看花事異地況復知心難山僧導
我登高閣夕陽忽捲重雲幕西山萬點向人青一徑松杉引
歸鶴終憐越鳥依南枝與君鄉里同襟期早秋潞水理征棹
不待西風剝棗時

汶上晚發

鈴鐸中宵動蒼茫問曉津野烟橫似水遠樹立如人海嶽存
真氣風霜老客身汶陽題壁處誰共湖前塵

四明道中

石窗不隔數峯遙古木空心宿火燒十里新茆低覆屋半溪
寒石亂堆橋斜陽歸鳥爭皴栗廢院枯僧灌藥苗始信深山
冬尚暖前村霜葉未蕭蕭

徐雲瑞

字卿升一作慶升又字鹿溪上虞人康熙
辰進士官編修河南學政著鹿溪遊秦詩集

登望嶽樓

傑構快登臨名山寄賞心北來青兗盡南望嶽雲深方鎮開
昏曉高標冠古今雄風殊未泯徙倚一披襟

良鄉道中

良鄉古縣邇

神京衝

命西行第一程春日雲開駢蹕路新年鼓作太平聲迴瞻

北闕晴光麗右控西山曙色明最是

君恩隆策遣七驕給使老臣行

陳

溥

字永叔號南陔天台人泌弟康熙癸巳
進士官攸縣知縣著泳川草堂集十卷

咸學標曰永叔五古雋語似右丞微參選體七古議論
闡暢間露光怪近體風格在李東川劉隨州之間一時
鄉邑詩才
少與儔匹

花石戍追和劉隨州韻

側帆出迴浦波光漸瑩淨老樹立空潭夕陽澹孤映江風生
暮寒鳴橈未少定不如沙際鷗狎茲山水性

湘陰解纜值風便過湖晚抵巴陵作

江色趁扁舟江花不我留片帆筵竹驛孤月洞庭秋香澤騷
人佩風煙帝子愁笛聲聽未得空過岳陽樓

廣陵懷古

瓊花香色久蕭寥勝蹟空傳廿四橋太守誰能真跨鶴玉人
何處更吹簫雷塘秋老喧寒雨瓜步風生打暮潮欲賦蕪城
多感慨綠楊隄畔話隋朝

重過寶寧寺

沿江風色鬱巖隈中有琳宮瑣碧巒老眼頓忘前日路山僧

猶識舊時官巖前虎嘯秋陰肅鉢底龍歸夜影寒爲伴嬾公
煨榾柮坐燒松葉到更闌

西齋

半畝居然杜若洲碧蘿翠竹雨夷猶小窗夜半風蕭瑟吹作
江南八月秋

張一駟

字石巖號石帆又號石樵仁和貢生

汪沆曰石樵通今古工詩文善於章奏歷遊幕府客滇粵時爲多年七十歸寓台州著作散失於敝篋中搜得詩數十首

山陰道中

晚薄越王城花明鑑水津連村風送竹隔岸柳攀人水碓鳴
陳粟船曾出素鱗平生臥遊意草市一投綸

李芝田自武林來

風流饒勝賞有句助江山李白月酬答林逋鶴往還六朝松
檜老三竺水雲閒試出奚囊句攜來一破顏

定興道中

春風獵獵捲征埃獨倚斜陽百感來馬倦每逢邨店住客愁
暫對好花開三年冀北成漂梗二月江南盡落梅回首壯懷

虛白驥新豐壚下且銜杯

嚴 烺

字昭升一字琅嚴餘杭諸
生沈孫著晚晴軒詩選

嚴仲章詩序略曰吾弟嚴升生而穎異既長工制舉藝
遂旁及於詩古文詞博游所至一時傾倒詩詞之作亦
惟此時為多初吾叔雨堂公賦奇超邁屢躋場屋年未
五旬齋志以沒吾弟稟異才與吾叔差相類予因序
其遇復不假以年亦與吾叔差相類予因序
弟詩又未嘗不消然於吾叔之生不偶也
隨園詩話顯俠君先生選元百家詩夢有古衣冠者數
百人拜而謝焉杭州嚴昭升烺贈云但見三吳書板盛
不知十載
選機忙

秋風鳥

柳州產相傳桃葉感秋風化爲此鳥

食指動奇絕以卵而得殼徐知秋風禽俊味奪秋候

雞雛一名秋候

駢頭鳥可鹽人口髓成漱吳黃漫多脂燕鐵苦銛味

吳中黃雀京師

鐵脚大小與秋風時

爲鼠昔可曾化蛤今恐又都如龍嗜燕竟忘豺祭

獸氣漸臘瓮香狀仿春林秀誰與遠寄此清矣龍城守秋風

春物變鳥聲桃葉後廢軀報公門忠出花果右

同姚南屏至南塋

君家幾處有名園南塋新開又一邨向背溪山仍翠色往來

燈火自黃昏壁間異代聞詩話

亭壁書羅景論山柄志

石上重遊見酒

痕猶恨桃源問津晚雙松化去扶苓存

題許九田浴鳧圖

海曲春潮去復迴水禽浴處綠蘋開兒童不打池中鴨合有

鴛鴦對對來

王鴻字

字微之號燕園嘉興諸生著燕園古今詩

梅里詩輯蕉園少學溫李綺麗半緣致有情采既而悔之自近代名家上訴歷選沈潛涵泳心摹手追故習一變今其詩存者正如玉樹冰壺一片清光使人翫對不厭

同陳霽窗訪東禪寺凡庵上人

穆溪一片水流入前朝寺殘碑沒青苔猶露淳熙字蠹樹作春花時時動香吹

同贈鳧過白山勸晉船

雨後平原雲樹微寒花瑟瑟滿蘆倚酒人有約吟同去黃葉半江風亂飛尙有孤亭可斟酌思往事已多非十年舊雨難逢甚不惜尊前到夕暉

冷仙亭

一水橋橫度春風協律祠紅簾穿日影官扇網蟲絲雙絕猶

傳畫

蓬萊仙奕圖後有張三丰題識稱雙絕

游仙數詠詩夜來驚蝶夢幾度繞

離思

錢是式

字其相嘉興人枋子桐鄉籍貢生

梅里詩輯先生文思敏捷與徐兼六李補山約山諸先生齊名詩格清和綽約在諸先生之右

南村晚眺

小村地僻堪乘興靜掩茅齋任所之白稻花香新雨後黃蘆

葉響夕陽時一聲短篷橫谿近幾處長橋歸路遲滿眼蕭森

秋色裏令人長憶少陵詩

沈

變

字御李平湖監生著著湖詩集

陸坡星曰御李爲南疑仲弟以食貧故近則金闕白門遠則江右湖北凡名山大川奇花異鳥靡不貯之奚囊以功孤藉母氏諸兄之教育力學攻詩蓋涉屺煩弁之遺音也

陳焯曰御李所著蓉湖集三卷
陸陸堂于東谷諸草廬序之

孝女行爲豐城曹六姑作

君不見曹娥痛父沈江水始得父尸不惜死自沈抱父出重
淵嬌女何殊烈男子曹姑十六殞慈親致死無由問水濱求
尸不獲痛心骨翻身入水驚鬼神我聞豐城之津多靈怪斂
鋌飛躍無常態有時化作蛟龍暗攫人嚼膚吸髓飢涎噉豈
知至孝格神明擁護方將召百靈母尸女尸相抱出衣裳纏
結顏如生鍾陵少年發首唱白嶽先生列其狀千古曹娥獨
著名曹姑繼起無多讓可憐淳于絕妙辭中郎以後誰能知
何當珥筆承明殿再勒豐城孝女碑

阡江向無鴻雁十月既望之後忽有翩然而過者因賦

長句

衡陽見說飛迴處
伴月迎霜又遠遊
片羽健凌黔嶺夜
數聲寒帶薊門秋
斜封未許傳鄉信
旅館偏能動客愁
好待管灰吹律早
春和同爾下江州

錢起隆

字虬蟄號買山平湖諸生著敦睦堂詩稿

春初倩徐朗豫登東牟城

不堪冰署寂聊傍女牆行
滄海青三面沙田綠半城
居人自春色遊子忽離情
笑向徐陵問吾曹何遠征

汪振甲

字昆鯨號紫巒又號穀亭錢唐人汝謙曾孫雍正庚戌進士官桐城知縣著詹詹集

注師韓曰先考官桐城會亢旱禱雨於邑之龍巖山日中登山感暑成病沒於任喪歸葬於九曜山之陽平生詩不多作不甚收拾未嘗編次成集惟中年一冊會自題曰詹詹集蓋取莊子小言詹詹之意今仍之

遊近溪題亦譜上人精舍

泠泠近溪水密篠散清涼
循澗刷山藥捫蘿陟崇岡
上有嘉

樹林下有澄湖光
息機白足侶新詩
託幽芳遊衍憺忘歸
何時重褰裳

于東泉

字湯谷號茲山平湖副貢生著錦璇閣詩稿

平湖縣志東泉居恒好讀日手一編週佳山水側畔微
哦著述甚富不自收拾以是存者絕少兄堯瞻名東還
淵博相若而癖更過之每入夜篝燈散帙手披口吟必
達旦乃已嘗語人曰百年如修蛇赴壑奈何擁黃紬作
渴睡漢耶工駢體詩亦雅飭遺稿惜散佚無存
諸錦曰湯谷卓錫無地漏日有天詩則下筆如神陳言
盡端有姚爽後陳念銘助之刊張芳莊陸恬浦爲之傳
余鄉同年也缺面于生前錄詩于身後
而其稿乃盡得之于無意中亦一奇也

食蟹用昌黎鬪雞韻

水族蟹味佳未霜久相待大勝魚八梢不數螺
五彩輪芒信有神奔火得無殆鼎鑊誠何辜
戈戟空復在如螳委臂斧似雞釋距鐵憶昨我登高
選勝屢更增列坐陳壺觴登盤薦魁

磊千載內黃侯封號猶未改擗曆金膏盈啟筐玉蓂唯食單
餘可捐酒戶大逾倍鳴葢濃醢擣橙細作醢無嫌恣貪饕
有似救飢餒大哂讀騷迂不受爾雅給雞豚社嫌戊魚蝦市
嗤亥披綿雀非珍爲饌鮑可罪魚莊荻蕭蕭虹梁水浼浼殷
勤呼買鮮珍重比贈賄散人混漁樵浪跡渺江海依稀荷鋤
伶凡百從廢怠但愛分湖船櫓聲聽欵乃籬花燦金玉林樹
雜繒綵幸哉樽不空誰與歌似凱拍浮效畢公尋山思大隗
解蒲付厨娘典籌命歐宰險韻步昌黎葩華誰當採

花除夕重舉洛如吟社

欣逢明日是花朝勝賞依然屬我曹檢點舊人成悼歎琢磨
新句易蕭騷未妨橋畔時行藥何處山中好種桃邂逅浮生
憐此會莫辭堅坐醉金舸

甲寅元日立春次林須藥韻

柳條梅萼歲朝新更報風光入上春絳老又添新甲子

余年已七

十騷人重數舊庚寅

從來注騷者謂原主於寅年寅月寅樓

樓遊子還岐路袞袞諸公已要津老我茅簷聊一醉敢云黃綺未稱臣

次韻和笠亭移居詩

老屋新顏隱者廬未應家具總空虛路旁笑煞搬薑鼠壓擔
纍纍是破書

荷池一曲最幽偏羨爾移家寄靜便好買含風漪八尺困來
容我撥書眠

題石田畫

長庚善畫不能詩少陵善詩不能畫輞川以後唯石田畫筆

詩情雨瀟灑石田之畫如其詩雲烟生滅無定姿縱令草草
不經意捧心亦是西家施山容靉靄樹模糊細雨斜風半有
無誰與坐釣不歸去此子無乃元真徒君家元真仙者流可
憐一去已千秋桃花流水依然在不得相隨汗漫遊世間投
足皆塵垢畫中之人真我友聞道秋深鱸更肥子但攜來我
沽酒

送陸坡星赴江西

吳頭楚尾山水窟客行到及秋方中香爐峯前月皎潔秋屏
閣外花冥濛洪州都督白居易江西詩派黃涪翁聽君新語
定絕倒百分一棹千觴空

送田辰垣

京兆田郎玉樹姿風流皎皎繫人思句傳山抹微雲派夢有

池生春草詩十日共傾桑落酒今年不負牡丹時誰令又作
匆匆別愁殺傷春杜牧之

謝劉南耕寄惠橋李

橋李我鄉果名著春秋策一株栽初成氣壓桃杏百厥味水
蜜兼最宜銷夏客園翁足心計先期要倍直富兒饒沫流尙
恐未必得幸獲登盤筵到手不忍喫纖纖指甲痕悠然見傾
國宜我簞瓢人間名初未識云何子劉子謬許以詩易我詩
輕且俗妄意希元白舉似數鉅公往往遭唾擲子乃獨不然
見嗜如雞蹠佳果換惡詩大足供笑啞將毋妄掄揚重爲賢
昆惑願子繼自今愛詩宜勿亟舉世重錢刀治生貴纖商當
學王濬沖有賣必鑽核

初夏梅堦卽席

籍溪小築似花溪出郭移舟路不迷紅藥闌干雙蝶下綠榆
門巷一鳩啼詩情忽向花間得物論真於醉後齊邂逅浮生
憐此日莫教歸去不如泥

孫友白

字欽明號賣魚人烏程諸生著醉驢吟茗人草

花朝過古康莊

三月春光似酒溫買舟晴泛郭西村山山翠滴遊人路樹樹
花開處士門半壁玲瓏呼石友一天錦繡動吟魂前塘柳葉
迎風舞細拂莓苔舊綠痕

沈

霖

字仲堅號築夫歸安諸生著東田草堂詩集

天山歌

並肅鎮嘉峪關

萬古祁連去西極拔地撐霄遮半壁羌兒下馬拜天山山去
可天真咫尺延袤三州千里餘遙接崑崙入沙磧鐵柱銀標

望不窮天生界與華夷隔萬年積雪千年冰雪擁山腰塞山
脊冰雪雲迷杳不分灝氣冥濛唯一色有時雲散出峯巒壘
玉堆瓊皓然白從來浪說雪山奇今日驅車幾經涉車中氣
象幻萬千倏忽陰晴易朝夕羣山西去勢中斷劃地當空聳
天國嘉峪名從玉石稱雄圖勢藉九泥塞萬方琛貢集關西
千里紫雲橫塞北東連羌谷號天城控制邊圉握長策烏孫
歸去不稱王渾邪破後咸登籍疆域猶傳古月支山川形勢
誰窮歷瓜州城中瓜葉青沙州城外寒沙赤玉關西去更陽
關西風吹散羌兒笛萬里邊城指顧中鼎分雄鎮開疆場酒
泉名郡接燉煌孤懸絕塞臨戎翟獨控三邊錯犬牙東通一
徑趨中域

聖朝法制軼前王坐朝萬國來重譯罕東稽首列藩衛哈客

封王更宜力往者西醜偶跳梁朝發六師夕執馘德唯化雨
與和風威則雷轟并霆擊罔不懷德復畏威何論羌戎共蠻
貊卽今內附日紛紛耕牧隨時恣就食肅州番民雜處多各
無猜貳相安適雕弓翻射嶺頭雲花棉夜向燈前織番郎諸
會盡戴恩邊民十萬滋蕃息年來彬郁習華風商貨車駁奔
絡繹西域無勞遠汎槎天山不用傳鳴鎬開關謝贊亦何爲
須信乘時方在德

張錫璜

字志呂一字漁谿鄞人土垠子
康熙甲午舉人著半舫齋集

續者舊傳孝廉於詩文外善琴奕書畫及
醫顧不以一長自銜卽言笑亦不妄舒

宿大音庵

煙靄沈沈竹樹寒環樓波影照憑欄分來佛火先安榻貪得
僧蔬更借餐滿院松風欹枕聽五更霜月裏裘看但憐我輩

居停後塵几依然鼠跡殘

趙用熙字斯敬蘭谿人康熙甲午舉人雍正元年

王崇炳博陵雜詠序略曰老友趙斯敬令博陵歸平日
之森飲角力形如絳勃者今鬚髮半白宏襟曠度頗浴
下耆儒而余則蹉跎羸老如秋深一葉在霜林雪餘中
得重遇故人為幸以疾一帙示我皆憫民急病望雲思親
之詞韋蘇州身多疾病思田里邑有流亡
愧俸錢得風雅遺意趙君之詩大率類此
金華詩錄趙斯敬官博野令以母老乞歸好吟詠尤工
駢體集中博陵不寐云暫許晨昏供子職非關老病乞
閒身寓中雜詠云落拓猶吟枯樹賦郎當不舞柘枝詞
又云慵貪鼯鼠千鈞弩喜共茱萸九日觴淡于進取所
性然也其菴博陵有八
不要錢說傳誦民間

謁楊忠愍祠

萬死投荒氣不磨還將隻手挽銀河
奸諛久矣憑城社孤憤公然觸網羅
策上千言逾痛哭獄成三字類風波
當年不是無臺諫獬豸爭如警犬多

相嵩父子百仇驚除蠹爭如縛虎難人料傷弓宜避影婦言
上策是休官糾彈不了心中憤生死全憑眼界寬上谷千秋
遺像在鬚眉飄盡朔風寒

薛

英

字雪涵樂清人康熙甲午舉人官
蕭山教諭著青曉園雪堂詩集

中秋集江心鴈月用王梅溪先生九日飲酒韻

中秋孤嶼攜尊酒占却滄溟千萬畝浮雲淨掃太虛清皎月
一輪懸海口主人豪興壓江波預卜佳辰集羣友老樹風生
野鶻驚危磯潮雜蒲牢吼臨江縱酒呼明月洒落杯中月落
手河漢聲流窄堵高振衣直欲凌牛斗古人已往皆陳迹來
者紛紛續其後海外神仙亦浪傳人間良會能長有試看當
年駐蹕亭祇今惟有青苔厚狂吟不放月空斜過此還期九
月九

石

杰

字裕昆號虹村桐鄉人康熙乙未進士歷官四川按察使著柘枝集虹村詩鈔

送朱以靜南歸

酒波連卷別匆匆目斷長林去玉驄歸夢比君應更疾夜來和月到江東

瀘定橋

穹碑屹峙大橋頭

鳳彩龍章紫氣留鐵索橫江虹影落銀河捲浪雪花浮六千里外通西藏三十年來鎖北流不是

聖朝勤遠略

德威漸被自懷柔

駐紮箭爐

地脉遙連古益州天然形勝扼咽喉礪樓隔岸橋三疊板屋

綠溪水獨流鶯栗放時秋已到豆花開後暑全收羅衣不耐
邊城冷將士爭披六月裘

金以成

字素臣號補山會稽人康熙戊戌進士由編修出知兗州府著補山詩存

紹興府志以成未第時以百韻長篇投新城王尚書王
日詩家上乘全在妙悟取研訂唐賢三昧集貽之以成
歸日新城一生只識王孟境界杜之北征韓之南山豈
是一味妙悟者蓋敏妙出自靈府而沈酣資于學力其
持論如此然其為詩往往以書卷掩其性情

送天台道士還山

爾有白雲心早卜青山宅忽厭華頂遊來作京華客都門浩
浩多風沙羽衣綰盡思還家夢中遙見赤城月半天綠水涵
桃花海鶴迴翔向東去寄聲栖在三珠樹

董

浩字扶搖一字翰飛號南谷歸安人康熙庚子舉人著南谷詩集

讀廬陵宛陵詩有感

但飲酒莫作詩廬陵寄贈梅翁辭苦吟詩姑止酒宛陵答繼
歐公後歐雖戒梅吟每得梅詩賞入心梅雖訂少飲思歐百
斗常滿斟乃知二詩特遊戲借此綢繆結深意詩遭謗議愛
護真酒擇淳醪傾倒至梅窮歐達形迹忘律呂和鳴旗鼓當
一爲之先一爲後兩人相得名乃彰嗚呼歐梅之過今罕矣
詩酒平時盡知己工詩豈必無聖俞地下廬陵呼不起

周徐彩

字粹存本姓徐會稽人康熙庚子舉人著名山藏詩稿

李綬基表略曰君天性至孝父卒幾滅性鍵戶著書半日治經半日治史旁及百家無不淹貫家藏書多善本毛太史奇歸朱太史彝尊見其文歎曰唐宋以後無此作矣郡守俞卿聘修府志有富人輦金乞立傳却勿受越風孝廉吹漁經史閉戶著書詩不苟作故所存無幾氣味深遠爲風雅正音所居城西別業庭前木香一架虬枝蟠結百餘年物也花時瀾漫香滿榻席余曾醵於此而樂之距今四十年花尙無恙子紹銷字舫軒孫沅

元浩弱冠登鄉薦

寄友

古人重離合一日如三秋而我卽長道別君歲已周夢中一
水深難涉九溪茫茫帶春雪天末連山遠不分兩峯峩峩生
夏雲知君彌望心如結雜佩幽蘭香未絕歎我孤遊久不歸
閒關芳草綠應稀莫言消息誰相寄回雁連朝正北飛

題望嶽樓

泰嶽西南紫翠重登樓迢遞見千峯雲開忽現天門樹風過
遙傳日觀鐘巢父名高終避帝魯連功就已辭封石間金篋
光輝滿扃從無由訪岱宗

范卜年

字期昌號帖瞻又號拙園山陰人康熙辛丑進士官永豐知縣著紅藥樓集

徐彌紅藥樓集序略曰拙園歷宰江右所至有聲生有
異表身長六尺餘白晢美髯語音朗朗望之如神仙被
議罷官潦倒窮途朝夕不繼其抑鬱無聊之槩每發諸
吟咏而絕無卑靡萎茶之態書法奇古蒼勁中有姿致

詠雪用坡公聚星堂韻

高枝瑟瑟蠶啄葉暗壁斜飛灑急雪捲簾花片忽霑衣袁安
未臥先愁絕孤檠牆角光有無斑竹舞簷瀉欲折冷然如坐
冰臺中寒月逗雪半明滅濕鼓無聲雀不鳴呵凍搖毫筆誰
掣曳杖中庭履久穿老眼重揩更生纈未得灑灑浮大白祇
覺霏霏鏘木屑要知清賞宜及時玉戲終宵纔一瞥竟須紫
絲作步障不然蹴踏那可說忍飢齧雪對梅花臭味真同磁
石鐵

李

瞰

字寅伯一字東門鄞縣監生鄴嗣

續耆舊傳果堂先生艱於得子四十後始果太學初墮
地面上有如小耳者數十爲繫去之稍長右頰有瘕作
鴉青色有相者見之曰此海外阿羅漢後身也負才氣
頗任俠果堂讀書雅守繩墨不肯稍有疎略而太學不
耐章句之學通其大意而已果堂所作文詞簡練組織
嚴於律度而太學信筆立成既冠梨洲先生見其詩曰

是能獨開生面者鄭丈寒村尤喜之性好游春則渡錢塘探河渚入姑蘇遊鄧尉直至花信更番告畢而歸秋則觀曲江湖徘徊桐廬一帶坐宿霜葉盡脫始去至於四明二百八十峯則其最幽所晨夕經也其游錄每年足爲一集坐上之客常滿頗不善飲而喜召客自監司牧守鎮將薦紳先生騷雅遊客以至劍俠術士沙門道流太學傾筐倒皮待之各以其差無與者百函並發半面不忘自朝至暮不以爲倦袁鈞曰李叟與鄭性謝緒章萬承緒倡和號四明四友

冒雨過小白嶺

欲起不起山頭雲欲上不上嶺頭屐雲中四望愁渺茫時有秋光未收拾百年幾遂邱壑心快遊安得俟風日雙肩竹輜去如飛但聞兩耳松濤急

雪竇妙高臺

幽深雲上衢崔嵬立天表四顧山青青幾處日皎皎寸心任逍遙雙目馳縹緲但知萬峯低不覺一身小和風拂人衣巖

花飛樹杪秋光更何如春意自然好

騰空嶺午飯

十里三叉布穀鳴松濤萬斛送人行
擔柴燒土栽秧煖負耒鋤田放水
平嶺下幾家烟斷續山頭一線路分
明深叨地主殷勤意菜把新挑爲客烹

歲暮述懷

老成歎凋謝畱此兩寒翁寒泉滿頭雪
寒邨半身風寒泉領方外兩耳厭鼓鐘
寒邨偃林下一手倩奚童念此兩翁者
品格如孤峯新春好風日五里清關松
寒邨念寒泉訂我相過從

誠齋論月色無過臘裏好霜水細揩磨
雪汁復洗澡從古數中秋此語未深討
病餘守單牀睡少居然老五更月透窗衣

裳披顛倒纖輝發劍鉞清氣空蒼昊遙想釣雪舟慨然感懷抱

送錢又起之長安

君亦何爲者三千里外行江風吹病骨春雨濕孤程辭母泪偷下依人事少成相期惟努力京國早知名

章

琦字淵維號白坡會稽諸生著白坡詩選

繆沅白坡詩選序略曰湘雅好遊足跡半天下所在流連悲眺與其賢士大夫忼慨而唱嘆之蓋其懷抱無所發并又不欲爲無病之呻吟故所作風格極醇神韻獨遠而一種沈雄奇傑之氣時時湧見讀其詩如見其人

玉鈎斜

樓閣臨仙意已迷
薜蘿原上雨如絲
美人金粉三春豔
帝子風流一鏡知
荒塚幾年青草沒
玉鸞何處白雲遲
暮鴉若解

悲亡國應到雷塘宰樹枝

快閣懷陸劍南

賀公而後客誰狂布襪青鞋徧故鄉詩卷至今小李白功名

昔日老馮唐山光一半歸空閣水色三更上古牆我欲橋邊

采蘋藻鏡湖烟樹正蒼茫

章鐘

字華甫會稽人雍正癸卯拔貢生大來從孫著鶴泉詩集

越風鶴泉同子貢成均子年方冠以師事之鶴泉與其從祖對山論詩宗仰韓杜立址樹壇每與時人不合子獨心契手追今兩翁詩具在沈雄矯健各有可傳

枕上

軒然詩思起枕上不曾停一路無書卷諸山是性靈嚴霜逼冬氣落月滿寒汀際此誰能寐餘波其杳冥

放舟

放舟惟楫枕袖手視高低一夜聞春雨不知水滿溪隨風巖岫轉盡日鷓鴣啼莫湯矜颺捷多時分寸躋

張文瑞

字雲表號六湖蕭山人官青州府同知著六湖詩稿

金以成傳略曰六湖尊人官永平府知府六湖讀書好古淹貫經史百家早籍太學屢試不售隨例謁選授官居職力任弭盜安民之法修款范諸公祠議復小清河故道反覆數千言大吏偉之生平著述甚富人擬之張和州云

過贛灘

十八浮岡十八灘浙江爭似贛江寒船於怪石叢中過人自狂淵倒處看行險敢忘慈母訓浪遊方覺世途難眼前那得漁家樂細雨斜風一釣竿

後正氣歌

井序

明相國邱公瑜遭甲申之變一門七人後先殉節其

絕命詞有詩書萬卷都無用惟有先賢正氣歌之句
公之元孫署霑化令天民走札徵詩予作後正氣歌
以應

天地有正氣萬古常不滅臣子秉忠孝婦女守貞節在唐有
張許在宋則文墨亦越明季時宜城著芳烈痛惟禍亂作寰
宇遘屠裂海覆無子遺艸薤無萌孽闕獻既連兵燕山天柱
折國君殉社稷孤臣喋碧血上有白鬚翁何忍便承訣中有
結髮妻千里誓同穴下有女與媳一時遭毒鉞壯哉賢公子
報仇心切切是時孫督師討賊方駐郝蠟丸報襄陽禍從中
道洩公子爲國殤忠魂表三葉嗚呼正氣歌載歌載未闕頭
可斷舌可割凜凜正氣不可奪史書千載名不沒丈夫臨難
寧苟活

夜泊缸尖對月

十里湖燈暎客船，月光如水乍清圓。
偶攜日鑪無雙茗來試，江南第二泉。
所恨片帆尋遠去，更看孤影坐相憐。
鄰舟忽唱吳儂曲，入耳鄉思倍黯然。

惜春詞效溫飛卿

錢塘四月春如縷，鷓鴣力盡啼聲苦。
鴨綠紅絲劈海棠，雀金黃辦泥梅雨。
笑買湖山蛾黛濃，弱憐風柳腰肢嫵。
正是桃花孕子時，王孫艸色愁南浦。

南食詩

味道愧采頤，南游徒口腹。肥甘豈不佳，畏生脾胃裏。
肉萬里爲荔枝色，香故所欲龍眼如。智珠諫果亦忠告，檳榔味生澀。
入口苦荼毒，圓顙越王頭。椰子剌漿醞醅醪，楊梅憶故鄉。番樣嘆

殊俗人面浪得名雞頭不足錄我來適長夏橙橘猶未熟花
蛤配鹽鼓珠螺過糜粥苦瓜既清涼甕菜復嫩綠觀蟹懷莢
宏蟹螯試蟹笑陶穀所恨鱗骨多那得鼈裂六老伏伏化化蜜
丁魁蛤別名風鰓稚水族白鱗純舊聞江珧柱意中殊不足往者
畏河豚而今輕海目偶記退之詩南食吾當續詩罷步中庭
明月羅浮麓

何西堰字杏村蕭山人官鉛山知縣著石瓠詩集

送家紫庭兄之任蓬萊

新縮魚符出

帝京遙飛鳬舄到牟城縣臨海市潮初落星映郎官夜獨明
賓日樓高琴作伴望仙門敞鶴隨行相思如有西堂夢為寄
池塘春草生

前身應是玉清班得宰蓬萊仙境間三異定書他日最一樽
且醉別時顏放衙夜咏花邊月挂笏時看海上山聞說此鄉
風俗好絃歌不久遍郊關

病中遣意

旃檀香爇日遲遲小住僧房養病時靜坐始知閒有味微痾
正與嬾相宜每聞仙梵清心曲却怕邊塵染鬢絲自笑不堪
如叔夜此生痼疾倩誰醫

初至廣昌作

路出紫荆關孤城沙磧間年荒邨邑冷市小賈人閒合境無
千室登樓有萬山不才愁案牘到此一開顏

早度雁門關有感

夜短天明速勞人早度關日烘烟際樹雲戀雨餘山老病肩

難息家鄉信未還武安祠畔柳青翠又堪攀

沈

堡

字可山蕭山諸生著漁莊詩

越風漁莊先生少負逸才詩文之外長於倚聲生平尚氣流喜結納居傍湖花月燕游簪裾滿座桐城馬相如陽羨吳介于適越皆主其家水酌山斟勝侶雲集漁莊之舅氏高江邨方居清要招其入京因是有聲日下晚歲歸臥舊廬

猶與會舉

孫度曰漁莊先生富家子世居東鄉芙蓉灣之漁莊延山陰沈梅史冰壺于家花月燕遊綽有吟咏晚歲築蜚梅堂聚書玩古嘗製漁莊著書墨凡點綴園亭皆出梅史手筆

族蠶詞

茅簷月出光初明流照薄帷蠶婦驚急起側蠶恐失候匡牀
那顧啼孩嬰上箔既勻更下箔如聞雨灑庭梧聲三眠一起
功始成淨掃廬舍無蒼蠅束藥為山閉蠶室過遮不使風穿
楹朝來布席祀馬鳴婦奠酒漿男獻牲三日開房雪燦燦今

歲稱絲應滿簾札
縑車聲正起催租吏已叩柴荆

宋之灃

建德人康熙丁酉舉人官中書

幽居雜咏

春老梨花賣酒天
半牕烏語攬幽眠
筆因硯近毫常禿
書爲魚僂頁不全
檐溜已收畱客雨
奚囊閒貯買山錢
蔬畦藥圃工夫倍
一任東風車馬闐

不將生計問樵漁
城市山林得自如
小圃春秋花有史
遠天晴雨鳥能書
損枝蛛網隨風破
礙砌筠根帶月鋤
一榻茶煙醒短夢
柴門深閉獨踟躕

葉

魯

號東巖龍游人
康熙庚辰進士

臚傳

未央鐘漏徹丹墀
落落星垂御柳枝

天仗宵嚴衛士擁

鑾輿曉出佩聲遲五雲色見傳周史三策名高奉漢儀
問道品題煩

睿鑒從容只有近臣知

張

昱

字景岳號樵園初名
晦字繹武仁和監生

汪沆曰樵園工詩畫沒後遭火所
藏殆盡僅從友人處搜得詩數篇

東陳香泉 奕禧

高齋路不遙過訪破清曉早知請沐餘定無惡客擾入門几
硯清捲簾爐篆裊筆墨紛縱橫紙上龍蛇繞飄飄氣凌雲筆
力殊天矯詎止抗杜崔直足隸羅趙吾友汪士查昇姜宸妙
蹟近今少君更突過之日麗中天杲縱有缺門限萬足踏應
倒主人一笑興素緣對客掃頃刻盡數番結構愈蒼老謂我

性所耽未嘗計醜好豈若君擅長寫生世所寶投桃思報瓊
先施非草草幸弗笑豚蹄漫懷滿篝禱歡喜捧字歸次第布
畫稿不忍負良朋吮毫增祓澡起看夜色沉斜月挂蘿薦

張

玘

字次桓號瑤星仁和人著蓬蒿吟索

汪沆曰瑤星壯遊幕府卒於粵東

寄長蘇孟噩二舅兄

我聞燕山秋色早七月霜飛榆柳槁風沙塞上動地來須臾
迷沒黃花堡夜聞哀雁攪離思曉聽悲笳增旅抱自古羈情
秋更深塵埃况復頭蓬葆燕市高歌共酒人西風短後同傭
保航憊時將斗酒澆等閒肯向朱門掃丈夫有志終自伸眼
前螻蛄奚足惱勸君努力崇令名莫漫憂心怒如掃

秋日登巾峯

氣肅晴光萬嶂開憑高一望北風哀東連海嶽新秋寺西枕
江闕舊戍臺講席猶餘花爛漫丹書不附鶴飛迴獨憐日夕
霜鐘遞塔頂雲澄月正來

朱

權

字仲謀一字可與海鹽監生著可與詩選

錢仁榮曰仲謀於書無所不讀一再過目卽終身不忘
工詩嘗與馬墨麟許允文及其仲兄孟齋族子丕光結
五子社爲當時所稱其九日登豐山云靜看紅葉無端
落便插黃花未忍歸秦溪晚歸云半珪月影隨波上一
路禽聲認樹歸句亦清雋可喜

聽徐萊龍琴

蕭蕭椽葉苦作聲管山淡碧葛水清白日欲上雲欲生徐子
抱琴至爲鼓一再行陰山夜雪天不明海波盪石石有稜須
臾日暖春鳥鳴仙人飛空衣袂輕梅花落在臨江城我生三
十不稱意然松引火光照地山精莫壓擎人臂立向青天涕

垂酒啜嗟徐子爾亦落魄畱榛菅撫弄十指慘我顏不若雨
人冥心靜對如石頑

張世傑

字泰岩號希白海鹽
請生著希白詩冊

宿瑞塵僧房贈寧已上人

向夜叩禪關鐘聲杳靄間香飄虛閣冷月照定僧閒白社何
須結清言得再攀更深聞妙義塵慮頓教刪

高

衡字南岫號枝山平湖人文恪公士奇
孫歷官福建糧儲道著怡閒小稿

錢仁榮曰先是衡伯父興官翰林時纂修駢字類編未
成而卒衡奉命續纂書成議叙以七品京官補用此
異數也在閩時署臬篆獄多平反後以疾請假歸

城南對月憶鴛湖舊遊

一片蟾痕小似鈎凝輝朗朗動高秋酒懷開比平時闊詩律
工從險處求玉露玲瓏初有迹銀河清淺不成流鄉心却共

兩浙輶軒錄

卷十六

朱權

張世傑

高衡

三

歸飛雁飛過蓮塘蘆荻洲

丁嗣激

字集虛號雪庵平湖諸生著雪庵詩存

錢仁榮曰嗣激爲大司空清惠公之孫與弟裔沆爲雙生狀貌言語性情無勿同者稍長同以能詩名一時有

雙丁之目

禪隱先生歌

先生骭髀負奇骨辭家學道遊天台築室半山傍危木列石爲座浮蒼苔山風一夜飄然來吹得山頭花盡開偶來花下把鐵笛雲衣瀟瀟岸其噴泠泠逸響凌太虛密葉叢條聲淅瀝嗟乎山中詎知秋復春落花掃作巖下塵千松原與人間斷懶出深山再問人

金

梅

字次調原籍吳江烏程諸生著夢草丙子擊懷詩集

棲賢觀梅

斜陽芳草春山暮。疑眸到處迷香霧。此身已在衆香中。杖藜更訪樓賢路。昔賢高躅久沈淪。疑是騎驢放鶴人。千載相思竟誰遇。惟見花密山嶙峋。巖巖瘦骨依空谷。似抱瓊姿媚幽獨。或向林中水次栽。或從野外籬邊簇。鳥鳴不鳴山更幽。遊踪且自隨麋鹿。

蔡賜國

字封繡號焦麓德清諸生

和黃柎英畱別

清句飛來似雪鴻。慚余蕭索等霜蓬。不隨薄俗輕前輩。尙爾多情念老翁。無計共邀秋夜月。有心還祝石尤風。眼看征棹從流水。楓冷吳江落照中。

毛德琦

字心齋鄞縣恩貢生官星子知縣

青蓮谷

匡山有谷號青蓮人到風流山亦傳花豔詩才誇錦繡泉含
醉態灑雲烟要知勝蹟真堪隱豈必英雄始學仙似我徘徊
松竹下白頭書卷憶當年

陸

鑒

字上貢一字松塢鄞縣諸生著小放翁稿

續青舊傳松塢為明經雙水族兄詩名亞之嘗自稱小放翁其詩在缶堂靜軒之間

過野眺樓追悼蓉嶼師

蕭鼓萼萼出荻洲畏乘小艇渡中流野人猶賽千年社好景
難禁百歲愁花落釣潭無舊主月移眠榻見空樓嚴城何事
催歸棹恨隔松楸駐遠眸

陸

鑒

字鈴侯一字雙水郭縣歲貢生著雙水集

續青舊傳雙水在南湖秋水社中與族兄鑒並有名稱二陸胡京兆西園社亦以二陸為眉目雙水詩正當缶堂性齋一派盛行之日足稱中流之一壺然知之者鮮矣

袁鈞曰陸聖為
黃宗義弟子

思歸引

天風向晚鳴轉急打破客窗四面入起看斜月又上弦行逼
歲杪冰霜天君今不歸歸已暮寒雁相呼兩兩去明朝欲問
三江渡江上梅花開幾處

張錫璵

字豈羅一字韞山鄞縣監生士壘次子著圯上居集

績香舊傳太學醇厚和平發為詩古文詞皆溫潤馴雅
萬編修九沙嘗曰韞山少年可謂富而不驕及其老也
可謂貧而樂其居家如姜肱其待人如陳寔雅擅鴈政
竟日不倦然未嘗失言笑蓋梨洲再傳高第能以善人
之資成君子
之養者也

袁鈞曰張錫璵
與兄錫璵齊名

西江送秋漁山先歸

不辭泥徑滑欲趁雨聲稀夾岸千帆送橫江一雁歸詩清應

骨瘦綿重覺身肥目斷愁雲裏寒風動客衣

葛其英

字檉庭山陰人官縣丞

鶴林寺

鶴去空山竟不歸蕭蕭梵宇占清暉寄奴霸蹟空餘井米老
荒祠靜掩扉殿角松陰銷翠靄樓前花老泣紅衣唐風宋雨
飄搖久只養碑陰古蘚肥

朱

華

字光斗號奎國山陰人官安化知縣

晚望

鳥下平蕪遠孤村暝色連疎鐘山半寺斜日渡頭船瀑響巖
偏靜霜寒柏葉堅郊原無限景觸目盡蕭然

余

清

字受庵號滄浪子山陰人著行餘集

過平樂府

四山蒼翠帶烟蘿飛渡浮橋臥綠波舟過不煩司榷吏客囊
檢點只書多

余正葵

字雪晴山陰貢生著快雪樓詩鈔

余懋棟快雪樓詩序略曰先生夙負異才潛心經史連
不得志於有司遂東筇出遊輪蹄遍天下迄無一遇退
而杜門著述以明經終老尤好爲詩

自燕入秦有懷故鄉

燕山白雪樹猶紅此際吟鞭入塞中一劍夜鳴沙草北千巖
晴隔海雲東潮迴吳嶺雙魚斷雁落晴關宿葦空記得少年
輕遠道那堪衰老尙飄蓬

徐祖望

字振孫山陰人著必園集

幽事

閒庭雖寂寞幽事足歡娛撿草收魚子開簾放燕雛蕉濃窗

影綠苔瘦石痕枯何用長康筆居然在畫圖

施克建

字道敏號虛齋山陰諸生著鳴鶴樓詩草

孫度曰鳴鶴樓詩草二本卷首四六稱八十老入自序詞甚清麗亦文士幕游苦吟者五七字襲紹唐音詞亦雄麗入格書法樸茂蓋老

人手抄本存之以慰吟魂

過揚州

維揚何處是歌吹竹西亭廢苑螢應少長堤柳自青夕陽明
驛路春水滿漁汀欲問繁華事風帆未遣停

客滕陽

客意久岑寂橫經更此畱荒雞霜月曉涼雨艸堂秋未著三
都賦空瞻百尺樓酒殘雙耳熱舞蔗當吳鉤

王

本

字慕陸號古草山陰監生元愷孫著在茲堂詩集

越風古草爲載溪先主文孫克繩祖武詩有淵源居遠青樓晚歲自營生臨廣植梅花名梅花塚有王官谷之

風子安氏號念齋游歷四方頗擅風雅孫遠字道九弱歲爲詩蔚然頭角接夢傳施於今五葉士林豔稱之

丹井梅子真曾游息於此

佛頭濃共曉山青讀盡黃庭一卷經洗藥水常含蜃氣烹茶烟亦帶龍腥喧聞地籟潮生浦亂落天花雨散汀不識先生何處去他年相遇話浮萍

杜應譽字寄樵山陰諸生著樵餘艸放言集

村居和笠山韻

喬木千霄上新篁拂露高山畚收宿麥老圃薦含桃逐婦嘔鳩拙將雛憫燕勞清和風日好策杖入東皋

吳山字東山會稽人

越風東山丰姿瀟灑喜吟詠幕游吳楚間韓青琳見其夜泊一絕愛之爲畫春江夜泊圖

同恪齋侯宗夏陟三柱笏堂守歲用杜韻

同斯曾耳象卷十六施竟廷王木杜應譽吳山

章門何處家把酒問梅花歸夢尋飛蝶投林感暮鴉畫堂嫌
景短絳蠟受風斜明歲韶光好吾生定有涯

王袞錫

字補臣會稽諸生
著十三樓詩集

越風前朝鄉衮以置田營墅分雅俗王季重先生別業
在東城觀舊橋內有緣風館十三樓諸勝嘗見其楹帖
一聯云天上圖書分壁府雲中雞犬列仙家百餘年來
僅存故址補臣先生為其孫長於詞詩亦宗仰前賢態
度舒徐風華掩映不愧朝
闕名士以其少而益珍之

杜鵬行

江風蕭蕭白波起杜鵬催歸喚不止前聲啼來細雨中後聲
迸落寒烟裏汝家何在東西川欲歸不歸今幾年蠶叢魚鳧
荒蜀國蛇盤鳥道連秦天極望迢遙數千里蒼梧雲深竹花
紫清淚春流巫峽波羈魂夜度巴江水聞汝曾無向北飛南
枝花發長相依一朝零落去江浦苦竹黃蘆生事微傷心歲

歲無家別縱喚催歸何處歸

平遠臺

何王遺構有高臺縹緲凌虛亦壯哉雙塔影連星漢動三江
聲接海潮來蒼茫故國雲中樹滅沒荒碑雨後苔幾欲磨崖
題勝事逡巡愧少勒銘才

成達可

字而可會稽諸生著彭越詩步

嚴子陵釣臺

幸際中興日安居七里灘帝容高士臥天作客星看縱拜三
公爵何如一釣竿富春江上水長映少微寒

余懋檣

字荆帆諸縣人籍孫著楓溪詩集

紹興府志懋檣爲余稱諸孫少負逸才尤好爲詩遊跡半天下晚歲寓津門卒於旅邸詩凡數集統名楓溪

桐容城縣

驅車歲晚宿容城員外祠前日欲平從此併傳嚴宰相也勝
伴食久無名

何嗣綏

字永年諸
暨歲貢生

貽安堂落成詩以誌事

小築初成事事幽此生隨分得優游門無車馬喧先靜厓有
松篁夏亦秋半榻殘書閒處看一瓢邨酒醉時休從茲吾愛
吾廬在不羨元龍百尺樓

盧元璧

字璧人東陽人
著萬春園遺草

金華詩錄璧人清而介不屑與俗子伍博覽故手披
口吟未嘗少輟興到輒吟隨時散佚其子衍仁收拾殘
殘得若干首曰
萬春園遺草

平陽廣文徐軒霞先生招飲

高館森喬木春闌翠滿林山雲無定態巢燕有閒心才老吟

詩健情多愛客深憐余行止獨一月兩招尋

包懋提

字卓齋東陽諸生

斃虎歌

庚午邑有虎食人踞馬鞍山洞老樵計以槁塞洞火
之虎隨斃余爲作歌

昔人多作猛虎行我今試爲斃虎歌西明之山馬鞍洞詰屈
萬仞峯戢戢於焉虎營兎三窟掠食山旁枕山骨布爪爲戟
尾爲旗馮婦其如負嵎立無端阿奴用火攻煙氣蔽窟吞松
風鋸牙助鬣墮威焰倏鬼投地環山空呼吸不容延一息老
樵吐口皆烈血山家購之皮五丈赫奕星晴尙旁射居人具
酒醉老樵從此日得山逍遙

陳世揚

字升聞一字月齋東陽諸生著松麓草堂山集

燈花

銀燭分光閣夜筵玉蟲金粟鎮生憐我曹正要嚴非分不用

燈花報得錢

樓承順 字光大浦江恩貢生官寧海教諭著默齋集

浦江縣志孝友傳樓承順善事親親亡廬墓自題永慕廬遠近賦詩以紀其事邑宰邢敬孫之維正元年臚列其行以應方正之舉辭不就

羊石懷古

玉壺寄遐覽往古已寥廓洞府境絕人間見頗隱約曠懷皇初平胡爲亦寂若干年往復迴不若遼東鶴滄海出塵寰山花幾開落羊石仍稜稜叱之恐驚愕神仙愛遊戲令我然疑作山頭不見羊丹霞滿仙壑

張德固 字單厚一字雲麟浦江歲貢生

樓叔良曰露鹹父一光任寧都令有惠政歸杜門課子
露鹹好讀書日已暇猶手一卷向天光至不能辨一字
乃已晚乃掌教月泉書院積束脩
爲葺書院費無算詩敗迪人重仰之

春日邨居卽事

誰能農事不關情
鶯鳥朝朝促勸耕
連夜可容寒食雨
卜年已慶立春晴
菜花十里圖黃甲
柳葉千家繡碧城
風景此間原自好
薺瓜又喚搭松棚

無多茅屋拓三間
農月柴扉靳不關
詞客例能耕白水
僧家不用買青山
半溪殘竹釣魚去
一徑落花招鶴還
長日爲添兒戲事
水邊鬪草可消閒

周應枚

字醇儒遂昌諸生
著雪邨偶存詩稿

卜居

築隱何須定樂郊
且仍舊址結新巢
春來葺屋梅爭放
風到

兩浙輜軒錄卷十六

卷十六

衡門竹亂敲課子頗能分稼穡治園儘可具蔬肴疎慵未與

王公薦容得遲遲臥草茅

李四維

字秉之嘉興人三才弟著樹齋遺詩

梅里詩輯秉之為上舍知敬子綺歲美才詩饒風韻埋玉樹著上中使人情何能已

蟋蟀

山郭江村雨後涼西風吹遍豆花香疎籬草徑行人少蟋蟀

吟時正夕陽

趙殿最

字奏功號鐵巖仁和人康熙癸未進士由翰林官至工部尚書

從子誠夫以詩見贈次韻答謝

閒居瀟灑樂春溫菜圃茶亭認近村歲月且貪花裏過兒童
不厭市中喧看書反復難求解問字推敲未掩門取次將成
終老計草堂已掃舊巢痕

胡渭

字脚明號東樵德清廩監生著禹貢錐指東樵遺詩

碧溪詩話胡東樵先生于康熙四十四年

車駕南巡還

駐吳郡時進所著禹貢錐指二十卷蒙

御製詩扇

御書當年篤學四字扁額之

賜稽古之榮罕有倫比其書久已刊行又著易圖明辨大學

翼真洪範正論等書皆採入四庫全書而遺詩從未之

見今從其後人錄得十餘首先生研經績學爲後學津

梁詩亦嘗鼎

之一鱗也

貽陳畱尹陳明府

昔日吾鄉沈麟士閉門教授見齊史口誦詩書手織簾故宅

吳羌山下是今我不學慙昔賢到處抗顏說經旨聲希太古

琴無弦忽遇知音論宮徵先生自是謫仙人素衣不染京洛

塵簿書倥偬作詩賦去年識面今逾親談辨如雲揮玉麈怪

爾文章蚤入神陳畱風俗尙如古使君努力爲良循相去吳

淞咫尺水他年抱楫問漁津

已過重陽有以菊花見貽者

共有東籬興陶詩空自吟九秋驚物換華髮待花簪對此意
俱淡貺余情亦深仁風良可愛冒雨更重尋

舟行城東

浮花浪蕊合萍踪書畫盈船一水東天上坐來凌倒景鏡中
行處信春風杯傾社酒分溪淥紙擘巴牋染翰紅自是石湖
詩興好應羞章句老雕蟲

章藻功

字豈績錢唐入康熙癸未進士官庶吉士著思綺堂詩集

陳晉明思綺堂集序畧曰章子豈績爲家兄女聳獨乘尊嚴洪上先生之家學數年有作典而切語逸而工情

文相宣大

見工力

楊雍建序畧曰豈績爲余及門客夏予卜居橫河畔未幾豈績亦遷斯里旣而豈績以思綺堂文集示予其質

穿經史牢籠百態往往擲地作金石聲因賦絕句贈之
近又出其所為詩若干首長歌短什累累乎得風雅之
指歸豈績克紹家學且非獨文章之士也其事親也孝
其事兄也恭其與人也誠卽其際臨諸厥流連徘徊情
見乎詞天下有至性過人而文采罔所表見者乎今
豈績年方壯學日富不朽盛事將必有傳之無窮者
寄呈杭州郡守馬見五先生

關前紫氣謁先生
卓蓋朱轡又此行
重許攀嵇懷一刺卽同
借寇出雙旌
幕依紗帳芙蓉好門近金湖桃李榮
聞道使君
夾鹿至銜鱣誰最喜
鸞鳴

同家兄服伯仁艷燈市作

十戶中人產花燈
一夕看明星飛火遠朗月出光難錦幔藏

龍艦刻木爲龍舟張燈數百杭俗最盛
紅裙據馬鞍
母然啼暗壁攜手步跚

跚

兄弟相將好年年
出處齊適觀隨遠近信步可東西
爆竹兼

風過燈花著樹低喧聞歌吹客莫必問飢啼

從吳友索得大兄遺筆以詩題畫併東謝之

秋聲可但寫秋容雁影橫空毛羽豐不道平沙真調絕只今

異路歎途窮臨池春草詩都廢破壁寒松畫最工

兄館于吳
陸後畫松

壁上真有百
尺龍鱗之勢珍重阿兄遺筆在延陵一諾死生同

壬戌移館皋園

假館謀生拙因人作計難可曾易斗米各自授盤餐懸榻當
窗下張燈把卷殘奔波莫漫笑風景好同看

可是嚴陵瀨

謂定隅

還分陳仲居

謂叔毅

出賓無割席作客亦同

車罷釣溪魚喜攜鋤徑草除我來翻寂寞欲寄主人書

癸亥中秋方伯石琅公先生攜樽試闌同人讌集

時纂修通

志

雅勝蘭亭集來從棘院遊羣賢亦上巳令節況中秋德本維
榮聚聲同伐木求三江分派出一水合東流冠蓋虛前席文
章位上頭校書選天祿列數比瀛洲同事者吳越年來盛與
圖望裏收史宜司馬作乘在董狐搜覘我叨簪筆逢人誦贊
旒無能辨亥豕有暇泛金牛賓主陪來往樽鼎學勸酬下蔡
王子座高對庾公樓四合嵐光近三秋爽氣浮政行觴羽促
晚待燭花抽蟋蟀窺人響蟾蜍伴客留一篇酬韻尾百慮淨
歌喉此地名方重斯文命不猶劍懸非必按珠出試先投獻
楚疑完璞歸秦剝敝裘敢云操翰墨肯便臥林邱談笑公餘
退從容興自幽詩成遲月落金谷醉千甌

閏三月晦日遣懷

時寓吳山倪莊

得返家鄉但挾旬曾從千里走黃塵也知避俗須高隱不信

詞洲車車金
辭家可救貧難得半生閒散日幸畱一刻閨餘春憑闌極目
今何處柳色參差却解人

坐靈隱澗西紅葉甚盛東邀楊以哉先生

春花有葉分疎密秋葉無花一色紅爲報藍輿須早晚但宜
霜後不宜風

晚登韜光二首

纔上韜光絕頂幽江潮海日望中收烟雲僧寺欹雙壁城市
人家傍一邱曲徑清泉新雨沾滿山紅葉夕陽開依稀認得
三生石四十年前或舊游

十遍曾過靈隱寺飛來峰下儘徘徊倦於足力拏舟返難得
頭陀挈榼來

端本僧載酒以從

俯看層雲飛遠岫醉披薄霧滑蒼苔

山僧莫問相知否小坐隣房五日纔

晚游西湖

雲漏晴光一縷斜紛紛歸逐七香車
山中影散樵薪客隄外帘收賣酒家
乍卷村烟橫遠岫暗移燈火點平沙
可容爛醉湖頭宿夢醒三更玩月華

沈楷世

字啓仲一號醉岩歸安人
三曾子康熙乙酉舉人

池上納涼

殘暑經秋薄臨流意灑然衆山初落日
高樹尙鳴蟬苔滿無人處荷開曲水邊
坐深衣有露吟向北窗眠

沈柱臣

字殿肇號固廬歸安人
嗣子康熙甲午舉人廣東試用知縣

春夜寄友

獨坐清宵迺孤吟有所思已多
虛夜月況復及花時書去想
春雁愁來怨子規故人千里外誰與寄新詩

邵基

字學址鄞人康熙庚子解元辛丑進士由編修累官江蘇巡撫吏部侍郎

袁鈞曰邵基由編修歷御史給事中侍直

上書房遷鴻臚少卿通政參議國子祭酒副都御史出入

禁廷小心謹畏密有獻替雖妻子不知也於閣部大臣舍

公事相見外未嘗有私謁擢吏部右侍郎乾隆初出為

江蘇巡撫正身帥屬苞苴不入其門行部過無錫有司

進惠山泉曰是即飲貪泉之漸也却不受吳俗法修疏

請禁優伶之宜淫者世皆迂之未幾與河督議開毛城

舖不合並與江督左嘗劾蘇州守白蟻已下吏河督

復請釋而用之意稍不自得旋得疾卒基清節自厲妻

不衣帛旁無姬侍客至魚蔬蕭然家惟老屋數椽而已

恩子

祭葬使者至門隘巷不容肩輿則步以入矮屋不足以設廣筵則畢事於簾窗之下使者為太息而去

都門贈繹堂和尚用唐人韻

威仰吾師法戒空來從南海關宗風袈裟新

賜九重上定慧先超六合中驚嶺慈雲團座碧扶桑曉日射

波紅竿官到此皈依切何必乘槎謁大雄

鄭

鼇

字伯岳遂昌廩生

陳世修曰谿岳慷慨好施厚於宗祀睦姻之誼足維頽俗

登唐山

結宇疑無著來尋物外遊
磴危人跡少樹密梵聲幽
淨沼魚

頻化蒼烟鶴半畱詩情誰共領
僧老亦名休

唐山爲唐高僧貫休所居

華萃德

字東升遂昌人啓濂弟

再過唐山

十里峯迴隔俗氛松杉結翠路難分
避人飛鳥穿斜照罷課閒僧看落雲
古葉重尋懷素筆殘碑曾讀貫休文
此中風景還相憶屐破蒼苔認舊紋

朱休聞

初名休成字建勲號雪圃秀水人著桐影軒小稿

舟行口號

兩浙輶軒錄

卷十六

列聖遺蹟事蹟才付聞

三

春風催泛棹遊興肯消停草色碧逾水桃花紅滿汀危橋人跡少孤塔野煙暝好是江村暮啼鵲到處聽

柴梓庭

字上林鄞縣諸生著鄭古草

讀舊傳漁山古文犀利似秦淮海詩近放翁然自恃其才所師惟寒村友惟宗猷已而皆卒無復簇礪之者

漸類唐於詩酒以終殊未見其止也

集曰鄭存蓋以志寒村知己之感
袁鈞曰柴梓庭少負才跌傷不能從事於學其友陳士良責之曰以君之才乃自棄為始猛省講求六經旁治史漢及唐宋諸家下筆萬言慈谿鄭梁見其所作嘆為奇才由是名大起

秋雨歎和杜少陵韻

今年夏月憂亢旱早禾顏色無新鮮家家早收不盈半眼見斗粟過百錢沈沈八月秋雨急晚禾腰折不肯立蒼茫一望成江河忍見田父用問泣

吾生於世何足數關心只合守環堵薄田數頃半湮沒茅屋

幾椽壞風雨草棉不收冬衣寒一家妻兒飽煖難濕窗鏗並不成寐願天急掃西風乾

陳天錫

字公純遂昌諸生

陳世修曰公純不喜交遊然遇良朋緩急未嘗膜外視詩亦淡遠如其人

江心寺

一片甌江淨中流古寺閒樓臺浮地出鐘梵送潮還擊楫哀丞相援軍駐此間揭來重憑弔塵劫付禪關

江

濟

字道之黃巖人康熙乙未進士官翰林庶吉士

陳焯曰江道之家貧力學老而益壯及登進士入翰林已六十餘矣未散館而卒遺詩多散佚

弔家烈婦

烈婦之夫緣事公庭有官役戴德偏之遂自裁

手挾霜鏹見義真鷗威偏妬可憐春血流黃土應成碧潔比冰壺不染塵生死一時無轉念是非千載任斯人東江夜半

悲風起冷月滄波泣鬼神

徐文駒

字子文一字耿菴鄞人康熙己丑進士官懷仁知縣著師經堂集

續耆舊傳耿菴少有才氣銳意爲詩古文詞詩有可采因節取之

次烏蒙有感

一片寒山鎖暮煙亦無衰柳亦無蟬瘴雲和雨濃如墨凍雪翻風白似絲萬里迢迢迴去雁五溪跼跼飛鳶可憐殊土蠻荒地當日曾流李謫仙

壽致潤

字雨六號南湖諸暨人康熙丙戌進士官翰林院編修

諸暨縣志致潤天分絕人康熙癸酉舉鄉試第一出山東顏光毅之門在館時應接甚繁時答如飛

觀潮

大江汙靈海潮勢何崢嶸羣嶼插霄漢翻然倒影傾萬馬自搏觸天鼓忽碎鳴乾坤兩摩盪日月慘不明昏沙捲地軸金

鐵相戰爭伍胥與文種俗說多紛更我感逝波意臨流結遐情

毛遠宗

字姬潛蕭山人康熙丙戌進士官內閣中書

孫度曰中翰爲西河先生嗣子西河合集多其纂錄著述頗富詩稱不墮家學

頌邑侯德政詩

江國分符早荒城保障優十年良邑宰百里舊諸侯明月龜
山署清風元度樓開衙花滿架行縣雨隨旂廐冷餘齋馬刀
藏善解牛均田需審甲減役且藏郵右學欣承徂延賓潔度
羞聞披吳靖卷貧著晏嬰裘石撻西江堰塘平湘水流訟庭
無曲訐夜戶鮮行偷暴息桓東晚軍安牧地秋掄才徵枯櫓
造士辨薪樵峴首碑將豎棠間舍未收四賢逾頌上三異表
中牟鄰邑雷韓纂鄉人挽邵攸微言無補綴聊以代清謳

周

奕

字起緒號東園海寧人康熙辛卯舉人

海寧州志奕幼孤事母朱篤孝性端方通經術居京師公卿欲羅致之不可得士論賢之

次韻陳秉之書懷

詎得身如野鶴閒強如踪跡寄長安功名雞肋徒爲戀世路
羊腸未是難老眼不知花態媚愁懷都付酒杯寬凌風獨立
君知否直節蕭蕭竹幾竿

章廷宏

字玉虹號斐山歸安副貢生官仙居訓導著怡顏詩鈔

遊紫陽洞登大觀臺

筍屐穿雲到巖扉倚樹開仙蹤猶可見勝地約重來採藥披
蘿逕尋詩掃石苔好拚筋力健百級上層臺

陳

景

字廣升蕭山諸生著楚遊記遊閩遊諸草

孫度口陳廣升晚吟好遊歷閩越湖湘間各有詩集落落寡合以諸生終

田家

茆屋兩三家藤牆夾槿花當門皆菽粟隔水盡桑麻有婦能
工織生兒學種瓜陶陶醉村酒羨爾樂生涯

柴

謙

字南屏仁和人製子考授中書康熙丙申欽賜進士官福建道御史著做曙齋集

陳兆騫微曙齋集序曰南屏先生自臺諫歷京卿風節侃侃不僅以詞賦侍從稱所為詩天真純任歷事翊戴其遇合之始為古今尤盛以見文章之有神如此

題袁忠節畧

錢塘趙氏高則原先生配也先生令永寧遭亢挺之
亂被執不屈誓死投崖其事無人表彰趙氏乃作哀
忠節畧余讀而嘉之題詩卷後俾作史者有所考焉
趙名承燬

大塊噫顯氣有時發雷霆丈夫抱奇節金石揚華英人生不

兩浙輶軒錄

卷十六

周炎章廷宏陳景裴謹柴謙

三

遇九死一生地曷能表暴摩霄撼日之精誠吾黨有高子少
負能文名丙子登賢書策仕鵷鵬城撫字勞九載境內稱廉
明胡乃鄰吏多貪墨奸徒走險勢驅逼豕突狼奔劫長官巡
防猝爲賊所得先生奮義不顧身髮指背裂血染脣瀕池鼠
輩頓擗志拚玉碎投嶙峋斯時岌岌彈丸邑誰令士庶登
陣集閭中命婦識兵機脫簪授甲立指揮賊破城完公復活
其傳奇績出閭閻功成不欲受上賞忠義自足垂青壤余也
忝爲柱下臣大書特書當不爽嗟乎絕命之詞何錚錚彷彿
平原罵賊聲

送興庶姪赴湯陰

千里非殊域離情若不勝秋風過鉅鹿古碣訪韓陵鞭影搖
晨月碁聲動夜燈他時知念我細繚剡溪藤

過仙霞嶺

天半高霞萬仞梯振衣還與白雲齊連山波浪南龍壯匣地
星辰北斗低戰骨燐燐埋碧草春流灩灩赴清溪怪渠一嶺
分炎冷二月花繁鶯亂啼

七夕風雨

鵲駕長橋鳳駕軻雙星歲歲一相過要知天上銀河淺不比
人間風浪多瑤島諸僊鳴玉佩雪山遠使挾金戈客心更覺
無聊賴強對秋燈發浩歌

柴載庸

字汝發號畦叟仁和人謙子
康熙乙酉舉人官永寧知縣

燕城除夕有作

征塵歲晚息征途可有椒觴待客無驛路又舒新柳色邨居
也換舊桃符三更短夢同駒隙一夕長檠共酒壚迴憶白雲

親舍近舍情應向膝前呼

楊

瑄

字自崑號栗齋秀水貢生分纂圖書集成

楊樹本述畧曰先大父治柏鄉案無畱牘蝗不入境同
宰云將去任士民扳轅不得乃
墓公容立生祠以志恩慕之誠

驅蝗

歲在戊午七月秋寧隆邑中蝗滿疇捕之不勝幾束手蔽野
頃刻殘來牟上官馳檄急如火下令未雨須綢繆縣中老翁
心戰慄壯夫鬱鬱眉鎖愁上下促迫心事惡此事畢竟誰能
籌昔聞湖州有鱷魚盤踞害民無時休昌黎一言肝膽裂三
日東徙隨波流又讀漢史循吏傳勞心撫字推龔侯名邦獨
仗使君力飛蝗不敢來神州可知民牧惠不誠一誠自足邀
神庥古來捕蝗雖有法人謀安得回天謀我推物理洵不妄

臨事要在探源頭寄語諸君莫煩惱天事人事期交修天人
於我兩無憾蝗兮蝗兮何足憂

洵陽城晚眺

秋色晚來好登高不厭看亂雲天外捲歸雁口邊寒一水孤
城連千峯落照殘故鄉何處是惆悵子陵灘

再登洵陽城

百雉雄三輔蒼茫一望間空將遊子意頻對夕陽開水淺白
鷗渚秋深黃葉山斷雲千里接何處語兒灣

新秋卽事和高可園先生

擬築茅檐傍水邊河魚隨釣不須錢庭栽蘭蕙香爲友書借
芭蕉葉作箋幾點閒鷗飛白露一聲孤鶴破寒煙無窮逸興
今何似頻對秋雲意渺然

金

埴字小埴山陰諸生著不下帶編

朱文藻曰小埴先生所著書俱以帶名詩曰詩帶賦曰賦帶文曰文帶駢體曰駢帶尺牘曰札帶瑣筆曰便帶又采輯古語可為聯者曰詞配帶晚自號帶秋老人客有問之者荅云淺近之言視而不下故以帶名之甚矣先生之好怪也

仿古歌辭

兩錢之錐堪直履百錢之狸堪捕鼠干將麒麟安用汝

哀東獄有敘

地嘗過山東州縣稔聞獄卒率以牘版拘囚人于夜

終夕不令轉側罪之輕重弗論也因作哀東獄篇

哀東獄獄卒狠纍囚一入成蠶粉東獄法版為牘夜夜牘人儼羅刹爾罪輕爾罪重總加牘版儼難動獄卒怒囚殼解上天下地兩局促始信人間有地獄古人拘罪為犴牢但嚴守

視園牆高獄卒夜臥圖逍遙動輒藉口防通逃嗚呼獄卒藉口防通逃不聞獄中夜半聲嗷嗷

夫別妻

有叙

康熙四十八年吾越米價騰躍每石直二金民多飢者有鄉婦入城傭乳與其夫絮語泣別子過而哀之因寫入樂府云

夫別妻夫自往東妾往西妾身往哺富家兒家中有兒慎勿答答我兒剗我肉肉剗盡乳不足新麥多收兩三斛明年蚤望將身贖

與洪昉思

昇探梅孤山

結伴來探雪後春逋仙亭畔幾逡巡歲寒不爽孤山約祇有梅花是故人

花朝過畫眉橋作

紅油艇子蕩花朝
煙柳風吹萬萬條
試酹一杯京兆酒
斷腸春色畫眉橋

郊城與徐公濯九楨話舊

去日童蒙貌已更
依然人識此邦生
最憐廿五年來到
重喚

郊哥舊小名
先君子宰郊生埴因名阿郊今閩二

鄭韻
字蘆村餘姚人典子康熙乙酉南

顧嗣立偶存詩稿序畧曰鄭蘆卽尊人友陶先生伯仲
兩兄皆場圻風雅詩文之盛萃於一門蘆卽醫年爲諸
生時卽卓卓有令譽後賦性恬淡杜門嚙歌生平所
嗜等身不自愛惜稿成輒棄去以故所存無幾也

舟中對月歌

泊船明月船頭來
開船船尾月入懷
船頭船尾滿清影
明月中宵伴吾寢
不知身臥青蒲上
惟覺閭門談蕩蕩
蝦蟇忽散

萬山金夢魂竟作層霄想銀漢斜斜烏鵲飛桂花香霧濕霓
衣月姊電裳閨縹緲湘妃羅襪見依稀雁聲驚起蕭蕭荻一
曲桓伊江上笛輕帆好趁月明來棹入秋城鼓初寂

次韻喜陳滄洲奉

詔到館

宦囊盛得好詩篇書畫船中一米顛豈願政聲聞紫闕只畱
心跡對蒼天斯民有待爲良相吾道猶存賴大賢直節清風
終不改欲談舊事已茫然

送友歸醉里

春來貧病總難支斗酒聽鶯竟失期客久并無歸去夢離多
怕寫送行詩一鞭料作三年別百感添將兩鬢絲君到鴛湖
親友問道子惟有嬾相宜

詹

泰

分木人康熙
丁酉舉人

西湖

憶隔西湖經幾秋天涯夢繞水雲幽南屏暮雨鐘初動北苑晴雲鷗共浮傍午垂鞭花外見迎風小艇鏡中留雄談快飲頻添韻其沐和風試冶遊

詹

皋

分水廬生

春日山館有懷

九十春光半雨晴客居差喜一身輕工因居肆方成事農未逢年豈輟耕無伴談心延落月幾回傾耳聽遷鶯聞歌刺欲依聲和不盡于啁爾我情

詹

衡

分水廬生

飲酒

肝腸如雪鬢如絲沽得村醪醉莫辭獨夜推蓬看江月水光

山色總催詩

湯學顯

字孔荪號宜齋仁和貢生
右曾子著蕓卿集

葡萄瑪瑙壺歌

按松陵志壺爲沈萬三故物瑪瑙質通明類水晶上
有葡萄天成如墨點中注酒光彩滿室後坐藍黨籍
沒壺亦不知所在天順間邑人李銘夜見市中溝渠
有光私發獲之卒爲張監所得余作歌以紀之

明初逐鹿羣雄走珍器遷流不遑守素侯爭貸勝爭王富甲
囊中稱枕秀周莊小市東吳東樓臺簾幕羅春風華筵夜起
珊瑚餞舉卮細滴真珠紅忽漫呼童發繡絳座客驚訝意何
在主人一笑寶艷生玉注金提少光彩由來野鬼丹邱血巧
斲樽壺泣冰雪天然馬乳絡芳痕似向雲藍灑烏玦洛姬倚

出龍珠帳羅衣繡入新花樣大宛香醅暖更濃色味中邊相
醺醺猗歟此器神工全造化詎許多甕蓮酒冷花寒罷歌舞
霜螭攫取飛雲烟天風飄墮埋香土回頭熱粉紫琅苦月漉
西沉隱璇宇蛟虹騰氣溝渠吐

耘松亭立秋夜

一葉落何處冥茫烟色沉花期相與冷秋事始於今此夕爲
吾有殘鏡見客心檐前風戛鐸也似作商音

謹校先大夫懷清堂詩集付梓二首

何物青氈稱舊貲簾中手澤獨攜持名山粉本猶無恙喬木
家聲只在茲過眼春風飛蝶早關心秋月放花遲前聞一一
編如次都是人間未見詩

拂拭芸香辨魯魚恍如承訓過庭除張均枉解吟家集趙括

何能讀父書待布國門光自遠更求遺篋緒猶餘

先大夫自著懷清

堂文集纂輯有南史集文獻通考俱未行世

無由私慰青箱志惆悵秋風上葛絳

姚之駟

字曾思錢唐人康熙辛丑進士改庶吉士遷御史

家傳畧曰康熙丁亥春

翠華南幸侍御為諸生著類林新咏進呈蒙畱乙覽梓以

行世

山行

攜酒入山深愛山還似酒更愁山怪我舉杯看山久木落瘦逾佳峯奇狀不醜愧無濟勝具永日芒鞋走便思貯布囊案頭作良友

兩浙輶軒錄卷十六